

四庫全書

集部

欽定四庫全書

集部

揚忠介集卷十一

一至三

詳校官監察御史_臣曹坦

中書_臣劉源溥覆勘

總校官編修_臣王燕緒

校對官中書_臣陳木

謄錄監生_臣應斯溱

欽定四庫全書

楊忠介集卷十一

明 楊爵 撰

七言律詩 二

元旦

歲逢元旦覺春還
桎梏年年在此間
白日應須點殘雪
浮雲但此繞燕山
顛危喜見淳風轉
變態纔知世路艱
西望墟垓遙跪拜
三千里路是秦關

正月二日寄偲兒

秦關消息久無傳說與兒曹莫涕漣
囹圄暫留今日福
聖明定宥往時愆舍南舍北一天雨
山後山前百畝田
收拾家中舊鋤耒待吾歸老伴餘年

次緒山韻三首

日轉庭簷春色光西園消息意微茫
想君每動三秋念
笑我常懷一段狂
往哲皆從修性作
世人誰是為身忙
從今各記年前約
只恐顛危心易荒

從來克己最為難
克去超過人鬼關
水自流澌山自止
火何炎熱水何寒
坐看百妄渾消盡
便是一真由此還
正見胸中好景象
天光雲影半空閒

剗却紛紛俗務
捧襟懷一片自然
行無非與纔成性
磨而不磷方是堅
霽月想他何氣象
光風忘我到衰年
洋洋滿目無停息
誰向霄壤識秘傳

春日

誰家煙色鎖樓臺
隱隱桃花將半開
雲際點空鴻鴈去

團階掃地谷風來
天機消息由人尚
物運盈虛與化推
心目洒然塵世外
誤看囿園作蓬萊

和聯翁看花詩

紛紛眼底今何時
悶到還看此數枝
欲向花前發浩歎
飄然未入古人思
雨多雨少顏如故
風去風來根不移
安得此花知世事
常開聽我賦新詩

惹得詩人有所思
為憐牆下兩三枝
孤忠暗與赤心合
直幹應看白首宜
戲蝶遊蜂閒作伴
朝雲暮雨漫相滋

寄語少年休浪采要留真品接東籬

看花不厭往來頻花色常從雨後新赤白總非由造作
卷舒端是露天真自羸狂側七門鎖却少坊間異樣塵
此地看花關世道後來還有好看人

謝人送米

十年分袂去燕臺囹圄今同春酒杯久難應教愁態老
逢君暫得好懷開宜時化向秋曹譽淳古風從海岱回
廊廟一朝思舊績共看琴鶴覲天來

有懷

年來奈此遠思何
春暖西臺亦到麼
好景想從幽處少
窮愁偏令我心多半空
晴色將人照一點閒雲輕自過
幸有吾鄉衆豪杰
激懷日與共消磨

贈人二首

樂老襟懷孰與同
逍遙遠志鹿裘翁
百年佳趣庭前訓
一曲秋簫眼底空
共惜幽繫何日解
還傷吾道有時窮
汗圓讀罷江湖詠
若在春風和氣中

共羨君家庭桂榮豈知世路一難行倚門鳩杖燕山迴
乘夜孤帆江水清骨肉轉關心上重浮雲自覺眼前輕
新詩遠為賢郎切多是君臣父子情

送曹知府入關中

十年交道歎浮萍咫尺而今萬里情安我幽園老歲月
喜君聞越活蒼生旌麾過處山河秀劒氣衝來牛斗橫
暇日要尋千古秘考亭一脈甚分明

送春

逢君到此已三年日見園扉掩半邊
照我寒衾共幽榻
隔窓白日與晴天
千山秦塞音書杳
一點孤懷空自憐
北徂鴈聲留慰切憶他曾過首陽巔

和聯峯喜雨詩二首

共慶連朝好雨頻
昊天臨下顯諸仁
普施原野三農慰
一洒長空萬象新
豐歲坐占八表盛
放勳出自九重勤
從今喜得含生類
沐我皇王蕩蕩春

雨過幽中生意頻
乾坤萬古此純仁
彌天雲掩千峯暗

著地神施一樣新出險走防歧路滑歸田耕野老農勤
滌腸莫謂吾無樂自有家山石凍春

石凍春富
平酒名也

寄趙白樓總兵

細雨空亭絕塞塵長才應許舊交人遙聞煙火山頭熄
且喜禾苗壟上新天意已嘗憐志士聖明安肯殺忠臣
情關莫恤幽中苦儘有詩書伴此身

學得萬人敵已成壯猷獨步冠神京幾年經畧長城固
一日聲輝天下名莫道萋菲終貝錦坐看心迹自分明

昊天於此出王際照見將軍一念誠

次緒山懷友韻

二年得與子相親不意知為困裏身心在熟仁狂作聖
事求精義道通神化成品彙千山雨消盡寒陰一氣春
白髮從今還努力肯辜良友教諄諄

初夏聞雷次韻

東風吹得乾坤解雷雨作於初夏時田畯暫停南畝耜
漁翁應罷水邊絲檢身吾戴囚冠坐宥罪孰為天下悲

此日鄉關千萬里有人勤誦召南詩

端午用杜工部韻

半室還如天樣寬詩書聊此與君歡漢廷可少賈生淚
晉繫應憐楚客冠舉世從今蒲酒樂普天懷古汨江寒
千年屈子心如在角黍將來此地看

夢陳寮

十載燕京做客鬼今宵入我夢中歡孤兒總髻頭角秀
老母痛如心上刺郊外點香人共送墓門啓柩衆同看

親朋哭汝靈車罷各贈青錢紙數竿

聞緒山出獄

思君不見日三秋忽聽西園恩詔優承志綵衣應有分
倚門白髮可無憂廟堂事業成虛語聖學全功蚤自收
待我洒回閩海淚衡南握手與同遊

趙白樓有詩見寄次韻答之

音問來從北海上故人遙向此相憐難將璞璧投幽室
可把長纓濯下泉我自福堂安極枯君於陋巷誦遺編

死生窮達了無事不負男兒此百年

聞趙白樓復總兵贈之以詩

文武俊才今再用一身萬里此長城
詩書本自儒林重韜畧復為麾下驚
采芑妙成猷算壯揚旗時掃塞塵清
功成待畫麒麟閣不說燕山山上銘

有感

天涯風景又將秋想像西周已古丘
萬里鄉關驚旅夢百年身世歎幽囚
披懷有慮成虛迹觸眼無窮是隱憂

金定四庫全書
卷十一
解得古人行邁意知吾於此更何求

送同鄉王大尹出獄

患難相逢此月秋不堪君去我還留丹心廊廟千年慮
白首江湖一念憂窻隙為增薄裳冷析聲偏動旅囚愁
有時聖主洪恩詔渭水相將理釣鉤

思故人

憶我西歸過爾家籬邊秋雨秀黃花百年涅債從頭補
一日交情未有涯荷杖未耘秦壠草回身復泛孟津槎

傷懷更有難堪處驚出門前問檻車

寄田道充

二十年前我與君講求五典共三墳長安春酒隨豪興
旅館殘燈到夜分國淚應教知己洒直言難使後人聞
有時罪了歸田里醉宿闌鄉境上雲

贈人二首

未能會面結良晤但信一心定盍簪天罪老夫宜岸獄
人文君子化須南道兼朋友生來伍事有當官幹者三

相信相離徒想像只教今日更難堪

周道陰濃楊柳風行行不必歎窮通
思君每有交情厚愧我全無補衮功
但說天邊一訊別敢云林下再相逢
千年楚客心何壯耿耿令人切寸衷

送曹子儀令平遙

昔日治郡功推最卓邠遺風世所欽
古謂聖人皆可學豈於君子讓之深
荒陬疾苦懸思慮直道斯民貫古今
化此平遙無巧法存吾一念至誠心

贈洪百戶 有小序

守獄官洪百戶以予下獄次年來獄中適事甚
洵懼人皆畏近未敢一見洪獨省問至於流涕
不能仰視數年間每思其厚今年正月洪復來
此追往慨今又至泣下作此贈之以示不忘

西風吹得家山杳
沆瀣騰成犴戶陰
天上本無神鬼謬
人間難有丈夫心
艱危世事百憂切
浩蕩君恩十載深
此日多君天下淚
幾番為我濕衣襟

有感

夜初獨坐擁衾裳
耿耿丹懷空自傷
斜月淡光穿暗戶

欽定四庫全書
卷十一
晚風微冷透晴窓一心知有君恩厚九死難回忠義腸
漏下旅囚愁不寐數聲寒雁送淒涼

送桂道長出獄和其韻四首

桂名榮

懶乘驄馬泛秋槎去處適逢陶令花五斗王臣皆有事
六經作用未為賒暫舒廊廟經綸思且問江湖赤子嗟
試罷牛刀謁帝主還成禮樂數千家

送出美人去泛槎還從幽地賞葵花每懷衛足猶有在
日抱傾陽誠未賒數載斑毛羞懦腐一生阨蹇半愁嗟

念君為我心何切天下斯文本一家

蹇難還逢秋氣森幽中無奈感時心世路兩歧夷共險
人情一理古猶今安危家念關河杳生死君恩天地深
十載釣儔應待我烟蓑何日再相尋

西風薄暮景蕭森慷慨昔人折寸心獨念愛身身係國
須知懷古古同今一千七百日光遠三十六宮易理深
帝卷平生空皓首畫前恍惚竟難尋

夢浦竹塘

去歲茲辰長別我今宵夢裏再相逢醒來想像音容杳
雙淚空流老眼中姓斑青史心猶在身葬黃泉事已終
雨洒風吹永難盡總為人世恨無窮

送甥張禹卿

數載天涯客舍窮憂心為我日忡忡淚添滄易流千丈
思斷鄉關幾萬重莫道艱途奔未了須知多難德堪崇
惓惓望爾立身蚤在此叮嚀八句中

秋日遣懷

俯仰乾坤此棘垣憂來倚杖步西園忘機雲外鷺猶舞
解意牆邊草欲言危難總皆身外事修為但可默中存
感時悄悄心猶切難向他人開口論

寸心惻惻風塵迴千里迢迢世路傾但比深園銘上帝
肯教之死負平生鄉思漂泊天涯杳音信空聞寒鴈聲
不是君王違諫諍孤臣未有動天誠

送錢緒山

寤寐今猶懷趙子眼看錢子又將行同心良友匆匆去

金史四
卷十一
不盡閒愁種種生極枯逢時風露冷圓階送處雪霜清
憂虞二載忽分袂而我安能已此情

與君同難兩年分至道常期日以新時講盡忠兼盡孝
共成為子與為臣園中歲月杞人老天外風塵世路湮
耿耿每懷無限思明朝有感向誰陳

送人出獄

百年身世半塵埃四海斯文於此偕淹淹殘息延旦暮
明明宇宙照心懷險需歎我幽囚客宏濟知君匡輔才

感別自來情思切况逢多難在天涯

寄周給事

顛狂老倦下林泉宇宙相關一念牽道在三才終未泯
風來四遠總無邊誰教洗硯魚吞墨空憶烹茶鶴避烟
殘息久能隨大運紛紛人世任流遷

懷緒山先生

攜手分離不再逢幽中嘗憶往年冬馬牛顛沛風塵迴
童冠逍遙江渚溶人品豈非黃叔度氣根應似郭林宗

相違歎此圓牆外更有關山千萬重

謝人

勞人兩遇北風侵白日豈堪鐵戶深天下自無神鬼謬
人間誰是丈夫心顛危每抱忠和義慷慨常思古與今
寫此新詩傾至意多君別淚滿衣襟

自念狂愚速罪深多君勤為我懷音而今指日將分袂
說起當時淚滿襟暫共苦寒向爐火難忘炎暑坐西陰
送行縱有詩千首不盡離愁一點心

遣使男歸秦

一簡歸音到獄中
令吾方寸日憂忡
感悲淚滴胸前濕
骨肉情關身上恫
萬里雲山形眇眇
幾年天道鑒憐憫
遭逢至此須安命
總是艱難未有終

又

聞汝臨歸血淚流
苦情都入我心頭
本為世道千年慮
適到家門百口憂
幽地北風留父久
遠山寒雨重兒愁
聖朝不易朱雲檻
終許殘生遂首丘

金句四卷
卷十一
和紫陽先生韻八首

省愆終未敢
尤人報國焉
知己道真肯
向遭時存外慕
但須臨難致
吾身拙歎未
可輕寒士
迂恤曾何間
小臣
莫謂幽園同
永夜天王明
鑒說如神

歲歲年年一
罪人戚懷未
得了吾真日
供糲米堪餬
口
夜展羊裘足
掩身塞上風
霜寒將士天
涯極枯老孤
臣
總然不計生
和死觸目紛
紛也慘神

思量宜是杆
中人感動君
玉恐未真十
載每懷當世
事

一軀何惜老來身
恩深願作溝渠骨
罪重難為草莽臣
此日存心都莫道
好將餘喘聽明神

艱危還作囚繫人之死
難忘一念真長路
奔尋吾舊處
滿門哭送此殘身
風高吹冷遼東帽
天遠愁勞杞國臣
却憶范滂千古上
當年不祭獄中神

遠寄新詩勞故人
為吾點點見情真
匡時樂道百年志
燕塞秦關萬里深
綠水青山供逸士
朝雲暮雨伴囚臣
眼前光景真如夢
一望天涯即損神

多難悠悠憶美人
美人心興出天真
早梅白馬山中興
雪夜扁舟物外身
可少感懷抽逸思
空教流淚惜王臣
采苓若到首陽下
俯仰乾坤有鬼神

十年空擬白頭人
淺劣原非見道真
祇有狂愚為世指
更無明哲以全身
動疎自可遭羅網
夙好徒勞惜諫臣
三木伴中思伐木
幽情轉覺一傷神

自笑率由異古人
冥冥不解卷舒真
無勞強自營千慮
有補何妨死一身
用世總難輕涉世
良臣誰願作忠臣

枉教晝旦空憂念百代虛盈屬鬼神

偶作二首

一念心灰萬事休無涯歲月此幽囚九州衰夢從吾息
十載長綸偶自收遇可樂天須解樂謂無憂世是深憂
遣懷幸有韋編在聊向羲皇境上遊

一念心灰萬事休今年不似去年愁亦知天外難懸足
豈但獄中能白頭胸次廣無人世狹眼眶明少犴窓幽
脫然放下塵寰夢且向圓階歌遠遊

端陽次聯翁韻

幽居幾度遇端陽萬里關河隔故鄉
龍舟扮出湘江恨艾草還為人世芳
幾段角團隨俗好一尊綠酒帶蒲香
離騷歌罷渾無事真箇圓庭是福堂

冬至

氣轉初陽覺尚微強吾羸病掩圓扉
寂靜真源須採取盈虛妙應自相依
兩年長夜獨悲感一點丹懷孰與欸
邈想周文幽困裏先天衍作後天機



楊忠介集卷十一

欽定四庫全書

楊忠介集卷十二

明 楊爵 撰

七言絕句 一

讀微子篇

開卷悠悠憶昔賢
知將人事委蒼天
千年王子憂心在
老淚而今墮簡編

夜初

半窓月色下長宵照此無窮客慮遙最是感懷一段意
北風落木夜蕭蕭

聞說赤肚仙口號

跳落深坑已數年纔知半世總狂顛幾時拋却人間事
去到密雲學浪仙

謝郭平安惠衣

賜服見君憐我深范滂感愧故人心園中縱有孤臣淚
珍重不教沾素襟

遣興五首

白日回光迷遠山
風煙薄暮早春寒
幾迴點檢累臣罪
一疏欲期天下安

十載幽溪把釣竿
却教桎梏倚門闌
葛藟滅頂皆天降
事到今朝死亦安

桎梏真知行路難
况逢九九有餘寒
忠猷總是邦家慮
死亦今朝心自安

但為當年恥素餐
反成世事日艱難
而今死事得其所

歸到黃泉心始安

幽囚罪是吐忠肝日見邏人向北探聖主無勞關慮切
微臣不以死為難

題扇

適得天邊月半輪將來故作手中珍但看一陣清風起
掃盡中原萬里塵

贈蘇廷詔五首

望斷長燕萬里深思君不見淚沾襟高情為我還甘罪

至死難忘今日心

罪出經年憐我深
要存男子此胸襟
聞言廢食更流淚
是我懷君一念心

數載幽幽獄戶深
相逢更得好胸襟
要將爾我今朝事
說與兒孫記在心

憶昔相逢幽陷深
各將國淚洒裳襟
我無孟博澄清志
君有西川豪杰心

悄悄獨憐我罪深
淵思自慰此愁襟
昊天肯弔蒼生命

鑒此人臣日夜心

人有犯晴川者以此慰之

一片西飛一片東浮雲終不礙長空人間變態閒來往
何與無涯胸度中

六月六日

六月六日殺蠹蟲無衣可出哭吾窮聊將囚板堦前曬
一物光輝與世同

嘉靖乙巳年八月十二日出獄歸九月十一日復

逮繫途次有作

白衣黑馬出鄉城
飲餞多君揮淚情
世上誰無生死路
不須分袂歎危行

漂零四海一孤蹤
眼底顛危悲路窮
共說君恩天浩蕩
還期故里再相逢

涉險猶餘詩興狂
回頭馬上別金陽

李驛丞
號也

平生胸次

他無慮一念還為天下傷

遙向北邙哭范滂
皇綱復為漢人傷
諸賢不向幽中死

剖柱心無符後殃

三木如堪及俊良殺身不必慮深長
投屍近有黃河在誰肯將來葬首陽

謁夷齊祠

孟津河下謁夷齊悽愴風霜盈陌衢
願借首陽方丈處藏吾天地一殘軀

晨朝停馬拜荒祠想見當年叩諫時
却笑史遷傳謬罔武王安肯遽兵之

謁比干祠

人心天意轉歧幽
夫子安能不殺身
一死祇將殷祀絕
空教千古弔三仁

謁姜里祠

後天剖破見精深
都是周王至德心
拜罷遺容思往事
直教客淚滿裳襟

澠池道中

西風落日滿塵埃
秦趙功名餘草萊
廉弱藺強皆國士

自能羞上會盟臺

奮身秦館志難移
共羨相如智勇奇
四十萬人同日死
徒藏楚寶欲何為

遣僊男歸秦

汝自燕山歸雍州
臨行不免淚雙流
逢人便寫康寧信
寬我囚中一念憂

父已六年同楚繫
兒今三試佩吳鉤
吾家不說諂時話
但向平平路上求

乙巳年十月二十五日夜復入獄詠栢一絕

反身未了他年罪樂土還逢今日安
慰爾耐寒庭下栢
主人依舊又來看

葵初出二絕

真品終難混草萊幾叢都是去年栽
愁中偏有賞花興
早把赤心為我開

天然根幹異蒿萊每藉春深夜露栽
我去應無人會賞
徒傾一點與誰開

拄杖

筇竹由來本性輕耐寒耐暑始堪成得君今日為同伴
特地扶吾暫獨行

直幹元來不尚文平生羞與鬼薪羣諫官得爾成相輔
踏破恒山萬里雲

秋日十咏

露冷風涼秋漸深塞天猶繫白頭吟已知憂國非吾事
有感還餘惻惻心

不堪秋草與秋風又把流光易此中
萬里君門皇路在
一身罪難幾時終

年來欲與世相忘轉覺幽懷百慮長
延頸九重天外遠
難將一念悟君王

復驚一葉墜庭前坐惜年華雙鬢顛
多罪殘身忘是我
邇來都付與蒼天

風落庭柯又是秋有時樂在有時憂
欲為萬里朋遊告
歸鴈還遲塞上留

忽驚塞鴈報清秋
困裏帛書肯寄不
雲外長風吹六翮
一飛千里到西周

寒螿蚤已到幽牀
梧葉枝頭幾箇黃
清晝半陰雲忽忽
幾人能解此悽涼

繞塞西風白露天
萬山黃葉落翩翩
穿窗日影無私照
一隙常來到臥邊

五十餘年人世事
此間白髮幾經秋
不知淫雨煙波上
誰去乘風泛栢舟

看開宇宙誰人事白晝天涯此日頭
鴈過故驚因榻夢
一聲涼夜送高秋

秋夜同劉晴川觀月

清光一片露雲端
拱立圓階心未闌
來歲今宵逢此月
恐無良友共相看

長空初夜靜
霏微轉步却將心事違
共說不妨幽戶掩
隔窗點點是清輝

萬古得天照
宇寰秋林輝
色動燕山疎
窗半隙即全體

照到吾心方寸間

秋燕

辭社還尋高處藏
留子常繫五雲鄉
時來時去天機在
羨爾一雙羽翼長

送高大觀年兄出獄用其留別韻

別念關心淚欲流
送君出險我還留
要知今日嘖眉意
不是尋常生死愁

丙午秋七月朔夜夢友人王泉岡張東臺

總是髣年夙分投神遊萬里自相求不知吾友今宵夢
亦得須臾相遇不

不斷懸懸故舊情夢中攜手與同行覺來展轉增悽愴
門外鈴聲報五更

暫合還離一旦情郊原哭送我東行年來憂患催人老
雙鬢而今已變更

去年送我出城東轉隔關山千萬重幽地此時空念切
只教夢裏暫相逢

答友人忽天章遼東作斷事

困裏風霜幾度侵多君不替故人心
遼陽極目關河杳
請罷音書淚滿襟

病中人有以詩喻使寬鄙懷者次其韻答之

數月言官恥素餐殺身今日有何難
包荒自是男兒事
肯不同天一樣寬

日午纔將數粒餐來之坎坎豈為難
眼中視此容身處
同彼霄壤無限寬

春日十二首

乾坤無處不清明
竚立閒看燕羽輕
一念孤懷酬聖主
百年人物此殘生

窗間舒日漸融融
曳杖逍遙百慮空
千古吾心誰樂與
首陽花草自春風

雨霽春郊秀女蘿
閒雲偏惹落霞多
南鴻一羽衝寒峭
萬里長空晚獨過

陽和到處總無垠
老榦蒼柯向月新
莫到幽囚空歲月

東風還有去年心

柝聲急處鴈聲高
門掩圓燈夜寂寥
念此天涯歸路杳
誰將一段楚魂招

雲掩燕山接地陰
霈城新雨細霽霽
即看宇宙均生意
識得乾坤作用心

遲日幽園春又深
閒聽燕語散愁襟
自知一息延朝暮
到此還餘憂世心

四年多罪鎖危垣
驚眼金吾春草蕃
一點孤忠應未死

君王恰有好殊恩

簷頭對雨雨蕭蕭
牆內葵心牆外桃
日暮東風惆悵處
閒看林鳥各歸巢

十載憂時一念深
竟成身世此浮沈
斜陽滿目蕭條事
寫作長歌次第吟

萋萋幽草映圓堦
羨爾逢春早意諧
此日吾生猶未泯
且歌愁句散愁懷

從此超然脫故吾
天空海濶見洪模
無容類是假男子

有忍方為真丈夫

偶興五首

幽中莫歎久無家
扞戶難將國夢遮
七載悠悠何所事
赤心白髮是生涯

欲酌春醕伴此身
榻前一盞轉傷神
年來警戒非因禍
恐致君王殺諫臣

風滿圓垣月滿樓
吾將風月伴幽囚
人機本自天機出
解到無思意便投

坐對窗風一隙清
人間萬慮總堪輕
無端幽鳥閒來往
却作愁人深樹鳴

一片閒雲遶翠松
還成細雨暗千峯
此時骨肉遙相見
多在瓠瓠客夢中

葵花二首

園葵新發幾枝紅
病裏空懸賞念濃
只恐花疑吾不好
詩成轉寄藉東風

誰把葵栽幽厠中
祇憑新雨秀新叢
出門欲賞憐多病

為問今開幾箇紅

有所思

當年各為主恩深
生者難忘死者心
將此滿腔憂世血
變成赤淚墮囚襟

年年燕塞動悲風
應是人心願未終
死去果然難遽滅
九原還得再相逢

獨酌十首

春來病未放清歌
惹得春風不甚和
偶酌燕山一杯酒

滿懷詩興若江河

老夫不是愛長歌恐把流光混裏過一嘯胸中無限量
古今天地在包羅

臥醒還酌兩三卮趕出胸中無限奇便笑古今忙脚者
撞來撞去總成癡

一寸修為一寸天紛紛誰解此間年從今莫說癡兒夢
囚榻安吾日夜眠

男兒寸寸是剛腸要把塵腔百慮忘聊下牆頭一罇酒

不妨獨酌對羲皇

天地元來只一春春光到處豈無真須判努力將心戒
莫作園中憂世人

愁來還要酒消愁到手必須三四甌醉後吟詩詩罷臥
風流也屬獄中囚

連年病不似今年和暖風光我却眠春到無詩春自去
而今要補幾千篇

殘春隱隱恰如新老眼渾看見未真更不分天與人異

只疑共是一團春

陽春幾轉屬艱難未惜空餘兩鬢斑
若把皇家元氣論
入牢強似入深山

遣懷四首

故園獨此念殘春無奈憂危此一身
莫怪片言千百死
從來蹇蹇屬王臣

自來幽陷幾風霜憂切空餘兩鬢蒼
故惜殘軀非我意
恐成一死累君王

金剛口
卷十二
春去還留此喘餘勞心空把百年虛有時不禁傷懷切
萬里家鄉一片書

一時感激切憂勞便欲捐軀報聖朝此日孤懷徒耿耿
九重不啻九天高

送耿良弼

與子交遊不計年吳山當日杏花天官貧消息幾年絕
忽喜音書到臥邊

七載幽窗與世忘故人感激意偏長聖明未肯殺忠直

早晚吾將歸故鄉

蝴蝶夢中五十年將身但合老林泉冥行走入深坑裏
空負良朋意戚然

千里風塵到帝鄉懸念我我心傷喬陵安得還相遇
共醉桃花流水旁

偶有感

吾狂歲歲繫燕臺一盞濁醪百慮開醉後自忘安險處
誤將囚所作蓬萊

吾衰久不念東周那惜斑毛出鬢頭
海宇昇平天自造可能一手障狂流

吾心原未解深思宇宙安能獨任之力薄不堪身萬死
疎愚空使後人嗤

老夫經歲臥幽窗慨世憂時念益長
白日似憐吾寂寞故從小隙放餘光

當年祇抱素餐羞一日疎狂七載囚
安得此時廊廟上有人聊為我皇憂

遣懷

霧斷長天萬里空
遭迴日暮倚東風
紛如自是人間事
不介悠然曾次中

雪茶

霧後飛來滿太空
巧將輕片舞條風
六花烹作六安水
瑞氣都留玉盞中

殘雪

瑤花不但遍燕山
幽地虛池總一般
只恐春風吹得急

徘徊再賞片時間

同雲知不再淒淒當午陽暉照故遲賞汝笑無春脚味
興來但有感懷詩

慰章秀才

多難不須日歎嗟男兒身到即為家塔前一片雪融處

饒我春深復種瓜

去年章生塔
前曾種絲瓜

送趙大尹出獄

我在關西子在東百年適得此相逢從今音問千山隔

人世真如一夢中

讀蕭處士行狀

紛紛落到靜觀中一點浮雲散太空老筆千年心事在
未須身後問窮通

送人歸秦

春到燕臺策馬還文旌指日度函關故人若問園中興
道與山林總一般

送緒山出獄

每道別離今果離是誰歡喜是誰悲共將心事常相憶
記我丁寧四首詩

兩共幽園霜雪寒而今離別要相歡願君分袂毅然去
莫向鐵門回首看

二載相逢一旦離徘徊孰令我心悲此時此地真難得
說與兒孫世講之

寄偲母

偕老糟糠重德音園門無奈兩年深寄來秦樹三囊粟

見汝憂勤一段心

送張本禮歸鄉

弱冠交遊三十年乃今如此共天邊
送行詩自獄中寫
安得不令我惻然

送君不肯淚漣漣
知為男兒心志堅
歸去友人來訊問
道吾長夜已三年

目斷秋雲遠盍簪
側身西望淚沾襟
再將半紙新詩出
寫我留連不盡心

哭翟尚書

哭罷浦周已二年悲懷今日復潛然兩行出自中心淚
一洒尚書柩板前

補衣口號次晴川公韻

夜補囚衣晝可穿知君手段自心傳成周誰是真男子
千古人誇山甫賢

會補清霄神慢穿昔人妙訣已無傳高高在上真難措
煉石惟聞媧氏賢

--	--	--	--	--	--	--	--	--

楊忠介集卷十二

欽定四庫全書

楊忠介集卷十三

明 楊爵 撰

七言絕句 二

初聞黃鸝

共步園庭佳樹陰
逍遙因見古人心
囚居莫道無真樂
也有黃鸝送好音

獨酌

獨酌燕山春甕香暫開宇內一愁腸醉看榻上無長物
惟有孔家活世方

夜夢四老人俱彷彿百餘歲衣冠古朴素象莊重
皆天然不事矯飾同坐一木凳予趨前長揖四老
人俱起答之淵默無一言覺猶宛在目中以詩記
之丁未正月初三日早間書

知是商山四老翁來吾夢裏一相逢鳳凰千仞當年事
獨在平生寤寐中

讀詩偶成

肥遯高風百世師
衡門愧子獨棲遲
洋洋泌水今猶在
還有幾人能樂飢

黍離篇

眼底興衰忽變遷
每將心事問蒼天
農夫不解行人意
知說離離是有年

幽風

碩膚一遜德愈光
歎自東人樂繡裳
不有風雲雷雨動

鷓鴣宜易悟周王

夜懷緒山

獨坐更初有所思悠悠令我心如飢誰教咫尺同千里
安得夢中一見之

送趙白樓出獄

圓內霏霏雪片輕三人同送一人行須知令我難堪處
正是鐵門回首情

與子周旋風雪中留連送出白樓翁我曹莫道別離苦

此是聖朝囹圄空

兩年同難一朝離
世事艱危各自知
良友今宵何處去
憶他揮淚正相思

哭華州張處士

壽享人間八十年
全歸正寢是升天
可憐一掬囚中淚
不到先生墳土前

往年一士夫
勸勿作詩作此以曉之

罪人豈是好吟詩
詩是罪人撥悶詞
成後朗吟閒自咏

融融滿目見天機

天機滿目是襟懷
滾滾都從詩上來
付此卷舒同大運
豈容一念自安排

安排了得見人心
只向天然分上尋
要識此間真氣象
茫茫宇宙更無垠

無垠所向在先難
一本從來非二三
百慮根原由此出
天人未可兩般看

罪人豈是好吟詩
詩是罪人自得時
獨咏一聲心已解

此身此罪正相宜

此身十載臥松雲
千古真傳愧未聞
中夜思量年少事
雪窗曾讀北山文

雪窗若向靜中尋
得見昔人藏用心
舉目霄壤皆可樂
沂源正是此宵襟

沂源到此幾千年
鄒魯心神在簡編
誰識真陵數枝草
青青日夜秀窗前

張公弼

抱痛周君意獨深
樞前一哭淚淋淋
昊天於此昭明處
照見先生一念心

和人韻四首

能從定裏息奔馳
即是天人合一時
往哲藩籬吾剖破
動無方所靜無私

病潛隱處最難醫
拔去深根思匪夷
舜蹠相懸初未遠
差之千里自毫釐

戶成人自此間出
闔闢真機須了之
却笑紛紛禦寇者

徒勞破屋欲何為

一原萬象皆同有
要把心從此處知
善到公時多少大
須知無我是無私

和題扇上漁翁圖二首

滿江秋月照
艇明水國雲
鄉老此生常
慮中宵風雨
變孤舟時向
岸頭橫

一見風波即
放蓬徐徐再
訪斗牛宮將
吾心事頻思
檢慚愧烟蓑
江上翁

送人出獄

相逢相別兩經春
分袂情懷見子真
此後金吾門外過
念子還是困中人

送人歸蜀

雍山蜀水共封疆
送子教人偏感傷
歸到秦關停馬處
好將多難報吾鄉

示姪休四首

旅舍空時家又空
秦關燕塞路難通
吾兒莫道饑寒苦

君子原來亦固窮

門掩隙塵客舍空寂寥人久在園中但願聖明恤狂直
爾曹與我再相逢

昔年送我古祠中兒向西行我向東此日音容如萬里
各將一念叩蒼穹

縲紲兩年骨肉離幽園客舍日相悲爾曹知命須寬慰
世道艱危古有之

祝趙總兵

此日降神自東嶽
看來賦與不為薄
我今祝壽無百壺
但願將軍困而樂

謝人賜鵝米

還將德惠過圍牆
味帶南風滿屋香
可奈窮囚深恨處
思君高義不能忘

閒吟

五年夜夜鎖客囚
還餘鄉夢遶林立
白頭未了乾坤事
一息常為汝輩憂

天涯歲月自幽囚
老去無須念首丘
未了平生身上債
不圖今作汝曹憂

哭浦周二公

二子殺身良可傷
老夫念念不能忘
欲將往歲顛狂事
同到九原笑一場

禹卿歸秦仕兒留此難於為別以此慰之

道義真原宜早尋
況逢蘭若又春深
男兒本是四方客
離別何須苦動心

良朋萬里此相尋為念艱危歲月深
安土敦仁賢哲事
男兒何處不寬心

贈別

送別園門各感傷好將事業繼龔黃
如逢潼上劉君子
道我囚中兩鬢蒼

送孫寺丞

不信榮華有是非幽縲終日掩園扉
世間滿眼愁人事
忽見孫郎能蚤歸

流連白首歎知機日見庭柯黃葉飛
安得一朝攜手去
與君共採首陽薇

九月節

九天風色夜蕭蕭此日君門萬里遙
不是諫臣難一死
殺身恐累聖明朝

聞申大用告孤松祝予不死作

有小序

白塔寺老僧號孤松與予素未相識予辛丑年
春下獄是年秋燕山申大用以事被逮告以孤
松當予凶危之際日常流涕為予焚香誦保安
經以祝不死當時一聞即以詩紀其事每擬出

獄必求一見乙巳年秋暫歸田里以迫促速行
未遂夙願今復下獄踰年聞孤松已謝世矣因
迷當日所作復繼韻悼
之見予未忘孤松也

普天吾欲振頽風墮入無涯淵海中誰誦保安心更切
令人日夜憶孤松

聞孤松謝世繼韻悼之

楚江漁父惜回風千古同歸一夢中歲月不堪人事變
洒吾雙淚痛孤松

深深塔院鎖薰風虛想形容入夢中當日孤松曾念我

而今我復痛孤松

蕭蕭松影遠紅塵海宇相關一念真
悵望幾年空步履
還從此地一沾巾

幾年欲接上人風
憂世襟懷與我同
看到乾坤終始處
紛紛眼底總成空

招友人王泉岡同學尹家村寺

泉岡後同鄉
舉官縣尹

初昏月隱滿天星
市肆紛紛風打萍
能鑒皇天應有眼
林間鷄犬幾時寧

贈友人韓雙台三首

一子耕農二子儒
數犁春雨五車書
主人盃盞微醺後
逸士傳中訪友于

丘園步履迴塵埃
一段超然襟抱開
眼底乾坤都是樂
不從此外更安排

關中高士韓雙台
獨把功名等草萊
胷次悠然忘物我
聊呼童冠與徘徊

夜夢一人戴無翅
紗帽謂諸葛孔明也
予揖而就

之謂予曰塵世富貴何足道哉唯唯既覺漏四鼓
矣以詩紀其事丁未夏六月十四日也

夢裏從容揖孔明回天事業竟難成出師兩疏心千古
可是巍然三代英

隆中運策三分定渭上屯田一念深星殞營中旋義旆
祇成當日受遺心

天厭東京久自虹輿圖分豁竟難同漢皇值此顛危日
空向南陽起臥龍

漢賊從來難兩立蜀川偏據未為安只教千有餘年後
五丈原頭秋夜寒

哭姜郎中

一世光陰半世終宜將運數委蒼穹吾心猶有難堪處
老淚哭君是獄中

靜裏閒談古與今超然物外是曾襟相逢獨有難忘處
夜雨東風一片心

聯句

乙巳年孟夏十九日大司馬聯峯先生初度同難
王子言具酒邀予四人為先生壽坐中聯句得五
言古風七言律各一篇

此辰當此地杯酒喜相從感極寧辭醉衰顏肯近紅

聯峯

時逢天地解雷雨滿長空

晴川

憂國憂民意宇宙浩無窮

斛山斯文千古會聚樂一家同

訥溪

浪迹形骸外高情俎豆

晴川誰憐幽陷裏各欲反淳風

斛山

他年林下樂須記此

情濃義泉

又

難中此日逢初度

聯

嶽降曾逢生甫申雷雨經綸占大

手

晴

風雲遭際愧賢紳伊周事業應無分

聯

黃夏淵源

却有真

山

願得八荒開壽域普天稽首誦堯仁

晴

看花

看花忽爾動遐思憶昔長安得意時今日看花雖異地

此花亦與人相宜

聯

隨身着處忘升降信步趨來履險

夷怪得幽中懷抱好興同賢哲坐東籬

山

人心誰謂不

如古造物從來豈有私晴川好景縱觀皆樂地從教無日

不相隨義泉百年顯晦渾閒事一笑榮枯便釋疑溪但願

此心常共赤何須殊色與爭奇聯峯要知展轉艱危裏天

欲吾曹慎所之山南北朋簪非易盍乾坤脚板豈難支

晴川真機每向花前得終不逢人一皺眉莫道看花淹歲

月恩光指日是歸期山

又

與君斯邂逅一葉報新秋山名姓誰知道山心情見

爾儔林華盍簪如有像麗澤復何求晴川珍重朋來義相期

到白頭訥
溪

又

每過花前動我思斛山雨餘復見長新枝聯乾坤生意原

無盡晴川物理乘機默與移斛山向日一心終自赤盈園諸

品獨無緇聯峯耐寒松柏千年秀與爾同當天斛下奇山

粉牆斜倚似含思聯峯真蕊傾陽正滿枝雨露時從天上

降斛山根菱曾向圃中移聯峯無邊心事終懷赤滿眼風塵

不受緇

訥溪

雅態自堪供玩賞何須解語始為奇

峯聯

誰云仁遠未之思物邇還憐一兩枝開落隨時皆自得

晴

川晦明向日更難移

山解

雖無脂粉容常艷便出淤泥色

不緇一種天香元自異姚黃魏紫未為奇

峯聯

酌酒

天涯今日共幽囚各為當年天下憂

山解

消息知宜觀大

易浮沈總付與清秋

巽峯

風雷自是交相助聲氣何須更

別求

晴川

醉裏悠然塵世外相看真是泛虛舟

山解

復酌送巽峯出獄

共傾一盞送君行不盡幽園此日情斛塵世偶然開笑

口丈夫寧肯負平生晴豈為湖海新賓主當是乾坤老

弟兄巽天際輕陰旋即散他年還共論誠明斛

雜詩

丙午年首夏患足疾六月淫雨大作獄屋中水深
二尺許囚板漂沒六七日始退重此濕感不能步
履今一載矣殊覺衰憊恐倏殞滅為十招魂以自

慰臥起慷慨援筆立就詞固不能盡工也丁未年
四月二十五日作

兩足屈藥雙目眩暗身孱罪長影形相伴百憂時觸五
內悽慘耿耿晷晷夜以達旦生理幾何魂將我散嗚呼
魂兮魂兮宜莫即散我皇聰炤當有渙汗

愚民參差成此幽囚綿綿赤抱皤皤白頭過隙野馬涉
世浮漚狂迂速罪予復何尤魂欲我去飄忽遠遊嗚呼
魂兮魂兮爾無板蕩骨肉萬里涕泣我望

我生不辰長夜轉戚悠悠蒼天煜煜白日沆瀣瀰漫乾
坤穆洸哭者既死歎者為失旅魂杳杳十喪六七嗚呼
魂兮魂兮袞職爾補少延須臾孰無肺腑

陰風瑟瑟旅燕唧唧暮雨朝雲胡為我急身世窮年天
涯一息寧為醜骷羞作鬼蜮我生為勞魂欲放逸嗚呼
魂兮魂兮慎爾先發與我相須受天之罰

百感摧剥寸衷消毀長守園扉滿腔赤淚有覺殘生無
涯謹崇發發回風滔滔逝水魂如不來伊誰為類嗚呼

魂兮魂兮乎我以心人生遭際往古來今

半百生涯一軀殘偃孤抱憂勞萍蹤屯蹇萬死交戚九
天元遠假寐長思流光空轉魂欲幾何灼灼微鬢嗚呼
魂兮魂兮何遽舍我我欲爾盡散無不可

人生幾何吾豈戀戀成吾一死反貽國患歲序屢遷久
甘幽難使我君王不殺忠諫魂何徬徨去如飛翰嗚呼
魂兮魂兮孰非天命於此永依安土以聽

風塵遠邇薄暮茫茫此際勞人孰不永傷悲萬里天斷

九迴腸誰乘危機憂我君王我魂寥落便欲長往嗚呼
魂兮魂兮努力炯炯人謀既臧天步可永

自我復來寒暑更度日月迅速轉看白首我思古人伊
誰可友履義安仁身類塵土死也生也彼亦何有嗚呼
魂兮魂兮吾何爾號恐將一死輕於鴻毛

男兒脚步自有圓方由我顛躓之死何妨履我后土戴
我穹蒼省我之愆是我之狂魂如解此安我福堂嗚呼
魂兮魂兮聊此相將待我罪終任爾飄揚

詞

有感

踏莎行 六首

黃葉蕭蕭西風浩浩
犴中忽訝寒先到
每將心事對晴
天肯因窮老傷懷抱
浮漚古今雲雨世道漫把榮辱
堪作笑男兒何事鬱襟懷
自有鳶飛與魚躍

大道昭明人心不死
一理綿綿貫終始
消息盈虛總循
環須知萬古皆如此
君父恩德臣子忠義存吾之死

矢靡已留取丹懷日浩然天地無窮永相倚

百年運數一旦遭逢天涯長夜歎夢夢未惜宇宙托蜉
蝣空餘禾黍慨王風 眼前靡靡心上忡忡難免幽園
今固窮仰視青天與白日冥冥照我此丹衷

志扶顛躋身陷網羅先憂特為此心多氣吞天際長虹
勢手障人間東逝波 樓上秦曲軍前楚歌英雄羽客
總消磨惟有忠靈永不散與君攜手弔湘娥

孤懷炯炯天畔茫茫北風日夜此幽窗秦館兩行七日